

AKT THEMELIMI I SHOQËRISË

Gamta sh.p.k.

Sot, më datë 04.11.2021, ne Tirane, ortakët (me poshtë qreferuar si "**Ortaku Themelues**", ose "**Ortakët**"), si vijon:

Lekë Sahatxhiu, shtetas kosovar, lindur me 09.03.1996, ne Pejë, me adrese banimi ne Rruga "Sali Gjuka", Nr.16, Pejë, Kosovë, me pasaporte nr. P01442342 referuar si "**Ortaku**".

vendosën mbi këtë Akt Themelimi për krijimin dhe themelimin e shoqërisë tregtare me përgjegjësi të kufizuar Gamta.

I. Themelimi

Ortakët Themelues deklarojnë themelimin e shoqërisë **Gamta sh.p.k.**, një shoqëri shqiptare me përgjegjësi të kufizuar ("**Shoqëria**"), e cila themelohet në përputhje me ligjin e aplikueshëm tregtar në Republikën e Shqipërisë.

Selia e Shoqërisë është në adresen: *Bulevardi "Dëshmorët e Kombit", Twin Towers, Nr. 24, 1019, Tirane, Shqiperi.Tirane.*

Shoqëria është themeluar për një kohëzgjatje të pakufizuar.

II. Objekti

Objekti i aktivitetit te Shoqërisë, do të përfshijë, por nuk kufizohet në aktivitetet e mëposhtme:

- Gjenerimi, prodhimi, tregtimi, furnizimi, dhe shitja e energjise elektrike, përfshire por pa u kufizuar ne energjine e rinovushme, apo te gjitha dhe cdo forme tjetër;
- Të gjitha dhe çdo aktivitet tjetër, i cili nuk bie ndesh me legjislacionin e aplikueshëm në fuqi.

Ne përputhje me legjislacionin shqiptar për permbushjen e objektit të lartpërmendur, Shoqëria mund:

- (i) të kryejë çdo aktivitet me pasuri të luajtshme dhe të paluajtshme (përfshirë por pa u kufizuar në blerjen, shitjen, e marrjen dhe dhënien me qera të sendeve të luajtshme dhe të paluajtshme) si edhe aktivitete tregtare, financiare, qira apo hipotekore të cilat mund të konsiderohen të dobishme apo të nevojshme për përmbushjen e objektit të Shoqërisë dhe qe nuk tejkalojnë në masë aktivitetet kryesore, të cituara me sipër;

LS

- (ii) të blejë, në mënyrë të drejtpërdrejtë apo të tërthortë, interesa në shoqëri të tjera që kanë objekt (objekti i aktiviteti) të ngjashëm me atë të Shoqërisë, në Shqipëri apo jashtë saj;
- (iii) të kryejë aktivitete publikimi, marketingu e reklamimi; të kryejë aktivitete të ndërtimit, konstruksionit, projektimit, duke marrë licencat përkatëse;
- (iv) të kryejë aktivitete import - eksporti të mallrave dhe/apo shërbimeve siç do të konsiderohet e nevojshme;
- (v) të kryejë aktivitete për shitjen me pakicë apo shumicë të mallrave, pajisjeve siç do të konsiderohet e përshtatshme, të hapë pika shitjeje, apo të krijojë një zinxhir pikash shitjeje;
- (vi) të marrë apo të japë françizë, liçensa, marrëveshje administrimi, apo manaxhimi me palë të treta; dhe
- (vii) të kryejë çdo aktivitet tjetër që mund të konsiderohet i dobishëm apo i nevojshëm për përmbushjen e objektit të Shoqërisë.

Shoqëria do të kryejë çdo aktivitet që përfshihet në objektin e saj të aktivitetit dhe/ose që lidhet me objektin e saj.

Shoqëria do të respektojë të gjitha ligjet dhe rregulloret përkatëse në Republikën e Shqipërisë dhe standardet më të mira etike.

III. Statuti

Ortakët Themelues deklarojnë pajisjen e Shoqërisë me Statutin e Shoqërisë, i cili firmoset dhe ekzekutohet në mënyrë të rregullt nga Ortakët Themelues të Shoqërisë së bashku dhe njëkohësisht me këtë Akt Themelimi.

Statuti i Shoqërisë është dokumenti thelbësor, së bashku me cdo marrëveshje tjetër që mund të firmoset kohë pas kohe nga Ortakët Themelues, që përcakton: emrin, formën ligjore, kohëzgjatjen, objektin e aktivitetit, kapitalin, administratorin, e të drejtat, detyrimet dhe kufizimet e tij, administrimin financiar dhe kontabël të shoqërisë, dhe ortakët e Shoqërisë, kompetencat e Asamblesë së Ortakëve, dhe marrëdhënien mes tyre.

IV. Kapitali

Kapitali i regjistruar i Shoqërisë është 100 Lek, i ndarë në 1 (nje) kuote dhe ai zotërohet nga ortakët i vetëm i Shoqërisë, si më poshtë vijon:

Lekë Sahatxhiu, shtetas kosovar, lindur me 09.03.1996, në Pejë, me adresë banimi në Rrugë "Sali Gjuka", Nr.16, Pejë, Kosovë, me pasaportë nr. P01442342, referuar si "**Ortaku**".

Çështje të tilla si zmadhimi dhe zvogëlimi i kapitalit të Shoqërisë, si dhe Administrimi Financiar dhe Kontabël i Shoqërisë detajohen në Statutin e Shoqërisë, i cili firmoset dhe ekzekutohet në mënyrë të rregullt nga Ortakët Themelues të Shoqërisë, së bashku me këtë Akt Themelimi.

V. Organet e Shoqërisë

Organet e Shoqërisë janë:

- 1) Asambleja e Përgjithshme, e cila përbëhet nga Ortakët e Shoqërisë; dhe
- 2) Administratori i Shoqërisë.

VI. Asambleja e Përgjithshme

Asambleja e Përgjithshme, e cila përbëhet nga Ortakët e Shoqërisë, është organi më i lartë vendimmarrës dhe i kontrollit të Shoqërisë e cila merr vendime në lidhje me aktivitetin e saj dhe politikën ekonomike dhe tregtare të saj.

Kompetencat e Asamblesë së Përgjithshme janë të detajuara në mënyrë të hollësishme në Statutin e Shoqërisë, i cili firmoset dhe ekzekutohet nga Ortakët Themelues të Shoqërisë.

VII. Administratori

Shoqëria përfaqësohet dhe menaxhohet nga 1 (një) Administrator, i cili është perfaqësuesi ligjor i Shoqërisë dhe e perfaqëson atë, në marrëdhënie me të tretët dhe është përgjegjës për aktivitetin e zakonshëm tregtar të Shoqërisë me perjashtim të atyre çështjeve që parashikohen në Statut dhe nga ligji i zbatueshem apo vendimeve të Ortakëve, apo çdo marrëveshje e ardhshme mes Ortakëve të Shoqërisë.

Administratori i Shoqërisë është:

- **Lekë Sahatxhiu**, shtetas kosovar, lindur me 09.03.1996, në Pejë, me adresë banimi në Rruga "Sali Gjuka", Nr.16, Pejë, Kosovë, me pasaportë nr. P01442342 ("**Administratori**").

Administratori emërohet për një afat në detyrë prej 3 (tri) vitesh nga data e regjistrimit të Shoqërisë pranë Qendrës Kombëtare të Biznesit në Shqipëri ("**QKB**") me të drejtë rizgjedhjeje.

Administratori emërohet nga Asambleja e Përgjithshme e Ortakëve të Shoqërisë. Me miratimin e emërimit të tij/saj, Administratori njihet se marrëdhënia e tij/saj me Shoqërinë është një marrëdhënie strikte besimi. Asambleja e Përgjithshme e Ortakëve të Shoqërisë ka kompetencë që të shkarkojë Administratorin nga detyra e tij/saj në çdo kohë dhe për çfarëdolloj shkak.

Të gjitha kompetencat, detyrimet, të drejtat dhe kufizimet e Administratorit të Shoqërisë, si dhe mënyra e përzgjedhjes dhe emërimit, janë të detajuara në mënyrë të hollësishme në Statutin e Shoqërisë, i cili firmoset dhe ekzekutohet nga Ortakët Themelues të Shoqërisë.

Ky Akt Themelimi u hartua ne 5 (pesë) kopje. Akti i Themelimit është hartuar në përputhje me parashikimet e Ligjit Nr. 9901, datë 14.04.2008 "Per tregtaret dhe shoqërite tregtare", i ndryshuar.

ORTAKU THEMELUES I SHOQERISE
Lekë Sahatxhiu



LEKË SAHATXHIU